



Nivi Olsen
Inatsisartunut ilaasortaq, Demokraatit

§ 37 naapertorlugu apeqqutip nr. 108/2020-p akineqarnera - ilaatigut meeqqat atuarfiannut suliasaqarfimmut aaqqissuusseqqinnermut tunngasoq.

30-06-2019
Suliap nr.
All. nr. 10941081

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Asasara Nivi Olsen

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1: Meeqqat atuarfiat pillugu aaqqissuusseqqinissamut suliaq sumut killippa, aammalu qaqugu Naalakkersuisut Inatsisartunut siunnersuummik saqqummiussissamaarpat?

Akissut: Suleqatigiissitami suliniutissamut qulaajaanermik ineriartortitsinermillu suliaq naammassineqareerput. Kisiannili Covid-19 aamma tusarniaaneq kinguaattoorfiusoq pissutigalugit ilinniartitaanerup aaqqissuussaanaera eqaatsoq ataqatigiittorlu aatsaat siunissami qanittumi Naalakkersuisunut saqqummiunneqarsinnaassapput. Tamanna nangillugu Inatsisartunut saqqummiisoqarnissaanut pilersaarut aalajangiiffigineqarumaarpoq.

Apeqqut 2: Siunissami pisariaqartitat ullumikkut ersersinneqartartut eqqarsaatigissagaanni Meeqqat atuarfiat pillugu aaqqissuusseqqinissami sunarpiaq anguniangaava?

Akissut: Ilinniartitaanerup ineriartortittuarnissaa anguniagaavoq, tassalu meeqqat atuarfianni pitsaassuseq annertusarneqassasoq inuusutullu amerlanerit inuusuttunut ilinniarnernik aallartitsisarnissaat naammassinnittarnissaallu anguniarneqassallutik.

Apeqqut 3: Meeqqat atuarfiat pitsanngorsaaviginiarlugu, tassuunakkullu meeqqat atuarfiannit ullumikkumit amerlanerusut soraarummeernermit naammassisalernissaannut ilinniaqqinnissamullu qulakkeerinnittunik isumassarsiat naleqquttut piviusullu sorliit sulinermit malinneqarnersut, Naalakkersuisut maannangaaq oqaatigisinnaavaat?

Akissut: Sammisassat meeqqat atuarfianni ilinniarnernik nukittorsaasussat, ilinniarnernilu qaffasissutsit assigiingitsut akornanni ataqatigiilersitsisussat innersuussutini ilaapput. Innersuussutit Naalakkersuisunut suli

tunniunneqarsimangimmata apeqput taanna massakkut iluamik akissuteqarfigineqarsinnaangilaq.

Apeqput 4: Sulinermi suliniutit erninnaq ilumoortunngortinneqarsinnaasut aammalu ingerlaannaq sunniuteqarsinnaasut sorpiaat Naalackersuisut ukkatarivaat?

Akissut: Innersuussutit Naalackersuisunut tunniunneqarnerannut atatillugu sammisassat toqqakkat immikkut piviusunngortinneqarsinnaasut erseqqissaatigineqassapput. Tamanna apeqput 3-mut akissut innersuussutigalugu massakkut allatut erseqqissarneqarsinnaangilaq.

Apeqput 5: Ilinniartitsisunik amingaateqarnermik ajornartorsiutit aaqqiiviginiarlugit suliniutit sorliit ingerlanneqarpat?

Akissut: Innersuussutini sammisassat sulisut pissarsiariniartarnerannut pigiinnarnissaannullu sammititat saniatigut matumunnga akissuteqarnissaq, apeqput 3-mut akissut malillugu, massakkut erseqqissaaffigeqqissallugu periarfissaqanngilaq.

Apeqput 6: Qanoq iliornikkut ilinniartitsisutut ilinniarnissaq pilerinarninngortinneqarniarpa?

Akissut: Ilinniartitaanerni ilinniartitsisunik sulisussarsiortarnermut tigumminnittarnissamullu sammisassat tunngassutillit ilinniartitaanermut ataqatigiissumut eqaatsumullu innersuussutitut ilaassapput. Sammisassat ineriartortitsinerup ingerlateqqinnissaani ilinniartitsisunngorniarnarup pilerinarnarullernissaanut tunngassuteqarsinnaasut. Tamatuma saniatigut, apeqput 3-mut akissutigineqartoq malillugu, apeqqummut tassunga akissuteqarnissaq massakkut erseqqissaaffigeqqinneqarsinnaangilaq.

Apeqput 7: Atuarfimmi pisortat ineriartortitsinermut perorsaanermullu aqutsinissamut piffissaqarnerulernissaat qanoq iliornikkut qulakkeerneqassava?

Akissut: Innersuussutini sammisassat atuarfimmi pisortanut atuarfimmilu allatsinut ilinniartarnernut/ilinniaqqittarnernut tunngassutillit, apeqput 3-mut akissutigineqartoq malillugu, massakut erseqqissaaffigeqqinneqarsinnaangillat.

Apeqput 8: Annerpaamik agguaqatigiissillugu klassini atuartut 18-iusarnissaanut Naalackersuisut qanoq isumaqarpat, aammalu agguaqatigiissillugu klassini atuartunut killigittitaasoq taanna aningaasatigut sulisutigullu qanoq kinguneqartitsissava?

Akissut: Klassini atuartut ikilisaaffiginissaat innersuussutini ilaangilaq. Tamatuma saniatigut UKA 2019-imi immikkoortoq 127 pillugu Naalackersuisunit paasissutissiissutigineqartoq aamma Inatsisartunit akuersissutigineqartoq innersuussutigineqarpoq.

Apeqqut 9: Pissuserissaarnissamut, taassumallu malitsigisaannik meeqqat atugarissaarnerunissaat ilinniarnermilu angusarissaarnerunissaat anguniarlugu marlunnik ilinniartitsisoqartalernissamut aaqqissuussineq Naalackersuisut qanoq isumaqarfigaat?

-A: Marlunnik ilinniartitsisoqarnermi aappaa ilinniarsimangitsuusinnaanissaa Naalackersuisut qanoq isumaqarfigaat? Marlunnik ilinniartitsisoqarnermi aappaa ilinniarsimangitsuusinnaanissaa Naalackersuisut qanoq isumaqarfigaat?

-B Marlunnik ilinniartitsisoqartalernissamik aaqqissuussineq qanoq aningaasartuutitaqassava? Akissummi aningaasatigut kingunerisassat naatsorsoqquneqarput ilinniartitsisut tamarmik ilinniarsimasuuppata aammalu ikiortitit ilinniartitsisoq ilinniarsimangitsuuppat.

Akissut: Innersuussutini sammisassat assigiinngitsut aaqqissuussinernut atugarissaartitsinerulernissamik ilinniartitsissutigineqartunilu pissarsiffiunerunissamik pilersitsinnaasut ilanngunneqarput. Siunnersortinik ilinniartitsisumullu assistentinik atuisarnissat matumani pineqartut saniatigut apeqqummut matumunnga akissutigineqartussa, apeqqut 3-mut akissutigineqartoq malillugu, massakkut erseqqissaaffigeqqinneqarsinnaangilaq.

Apeqqut 10: Meeqqat atuarfiata aaqqissuusseqqinnissaanut piareersarnermi Naalackersuisut soqutigisalinnik avataaneersunik qanoq annertutigisumik peqataatitsippat?

-A: Naalackersuisut Demokraatit isumaqatigaat isummmanik avataaneersunik soorlu ilinniartitsisut, angajoqqaat aammalu inuussutissarsiorlut kattuffiinit peqataatitsinikkut aaqqissuusseqqinnissaq peqqissaartumik suliarilluugaasumillu iluatsilluarsinnaanerussasoq? Apeqqummut akissut aappiuppat soqutiginnittut sulinermi qanoq peqataatinneqarnerisut Naalackersuisunit nassuiaqquneqarpoq. Apeqqummut akissut naamiuppat isumaq taanna Naalackersuisunit nassuiaqquneqarpoq.

Akissut: Aap, suliap ingerlariaqqinnissaani isummersuutit immikkut ittut pingaaruteqartuummata Naalackersuisut Demokraatinut isumaqataapput.

Misissueqqissaarnermik ineriartortitsinermillu suliaq 2017-imi aallartimmalli suliaqartartut arlallit suliamut peqataatinneqalersimapput. Matumani ilaatigut kommunit, sulisartut suliniaqatigiiffii attuumassutillit, MIO, inuussutissarsiorlut, Nuna Tamakkerlugu Ilitersuisarfik, meeqqat atuarfii, Qitiusumik Ilinniarsiit Ataatsimut Siunnersuisoqatigiiffiat, ilinniarnertuunngorniarfinni rektorit, Ilinniarnermik Ilisimatusarfik, Ilinniartitaanermut Aqutsisoqarfik, naalackersuisoqarfiit arlallit allat, inuusuttut namminneq kiisalu meeqqat atuarfianni inuusuttunullu ilinniarnerni ilinniartitsisut, atuartut angajoqqaallu sinniisui pineqarput.

Innersuussutit tunniunneqarnerat nangillugu innersuussutit/sammisat ilaasa ineriartorteqqinnissaat ilinniartitaanermut suliassaqarfimmi suliallit piukkunnartut tamaasa qanimut suleqatigalugit sularineqartussaassaaq. Taakkunungalu ilaapput ilinniartitsisut, angajoqqaat inuussutissarsiortullu.

Apeqqut 11: Naalackersuisut suliamut allanik soqutiginaatilinnik paasissutissaqarpat?

Akissut: Naalackersuisut massakkut allanik paasissutissaateqanngillat.

Inussiarnersumik inuulluaqqusillunga


Ane Lone Bagger